



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De Eleëmosyna, & fraterna Correctione.

urn:nbn:de:hbz:466:1-41767

rem esse mortale, si ex aliquo graui odio procederet in contemptum, & graue damnum proximi: vel ob impugnamdam veritatem in re graui, aut quid simile. *S. Thom. ibidem quest. 116.*

De Eleemosyna, & fraterna Correctione.

Non solum tenetur homo non odisse, nec inferre malū proximo; sed etiam amare, & velle bonum, tam in rebus temporalibus, quod fit per eleemosynam, quam in spiritualibus per fraternam correctionem, & instructionem. Et quidem, quoad eleemosynam, ea, facienda est ex superfluis. Superflua autem sunt duplicis rationis: alia dicuntur superflua vitæ, vel naturæ: vt sunt illa, quæ, demptis ijs, quæ alicui sunt necessaria ad vitam sustentandam, siue propriam, siue suæ familiæ; adhuc tamen supersunt. Alia dicuntur superflua status: & sunt ea, quæ, demptis ijs, quæ sunt necessaria, non solum ad vitam sustentandam, sed etiam ad con-

L. 5. per-

personæ, Prudentis arbitrio; adhuc tamen supersunt.

26 Si ergo proximus sit in extrema, vel quasi extrema necessitate ad vitam conseruandam; tenetur sub mortali illi quiuis subuenire, si habeat superflua vitæ, id est ex superfluis vitæ, & naturæ, & probabiliter putet, neminem alium illi subuenturum: etiam si non habeat superflua statui: hoc enim exigit lex Charitatis secundum omnes.

27 Si proximus sit in graui necessitate tenetur sub mortali illi subuenire, qui habet superflua statui, si nõ sit alius, qui subueniat. Hoc enim etiam exigit lex Charitatis; præsertim quia si nemo subueniret, facile grauis necessitas transiret in extremam.

28 Probabile etiam est in communibus proximorum necessitatibus, quales esse solent in ordinarijs pauperibus; diuites, qui habent superflua etiã statui, teneri sub mortali, ad aliquam eleëmofynam elargiendam, indeterminate tamen, cui, vel quibus voluerint, & ijs temporibus, quibus magis illis placuerint: nõ alioqui hæc etiã necessitas facile transiret

ret in grauem & in extremam. Plura de hac re *S. Thom. 2. 2. q. 32. Caiet. & Vasq. in opusc. de elem. Filliuc. tom. 2 tract. 28. cap. 3. Suar de Charit. disp. 7.*

29 Subuenitur præterea indigentiaæ spirituali proximi per fraternã, & secretam correctionem: quæ consistit in suauit, & discreta admonitione ipsius, vel ut non peccet, si est in periculo peccandi, vel ut à peccato resipiscat: & tota ordinatur in bonum ipsius proximi. Et quidem ex se hoc præceptum correctionis obligat sub mortali, si sit in materia graui, nempe si agatur de peccato mortali proximi corrigendi, & non emendati. Requiritur autem hæc conditiones. 1. ut certam notitiam quis habeat de peccato proximi. 2. ut ex correctione speretur probabiliter fructus, & emendatio, saltem ad tempus. 3. si probabiliter iudicem, proximum indigere mea correctione ad emendationem. 4. si sit debitus locus, & tempus, & adsint alia circumstantia, quæ videtur necessaria ad finem correctionis. Ex quarum conditionum defectu, facile est passim excusari homines à peccato mortali

ex defectu correctionis: maximè in casibus repentinis, & ad personas ignotas. Plura S. Thom. 2. 2. quæst. 33. Suar. de Charit. disput. 8. Diana par. 4. tract. 4. resol. 228. Filliuc. tom. 2. tract. 28. cap. 5. Vbi etiam agitur de Superioribus, quomodo teneantur ad subditorum correctionem.

DE VI. PRÆCEPTO Decalogi.

Non fornicandi.

Hoc præcepto prohibetur omne peccatum contra castitatem, quæ est pars temperantiæ, & dicitur peccatum luxuriæ: Cuius septem species communiter numerari solent: Simplex fornicatio, stuprum, adulterium, incæstus, raptus, sacrilegium, peccatum contra naturam. De quibus aliqua dicemus necessaria ad confessionem.

Simplex Fornicatio.

Simplex fornicatio est illicitus concubitus, soluti cum soluta. non
Vite